

## ERBIÑUDE AMA UMEAK



Arrautzak nabaiturik  
zulotik aldean,  
billa biyak joan ziran  
gau illun batean;  
bañan zeuden echolak  
tarte bat izanik,  
eta kabitu ezin  
zalako an amik,  
umea zuben sartu—  
oso barrenera,  
eta ark baitzituben  
arrautzak atera:  
andikan segiruban  
zulora joanikan,  
gau artan chit gustora  
zituzten biyak jan;  
eta ala, jakiñik  
berrizko bidea,  
eta irukirikan  
abilidadea,  
gabero ziran gero  
asi lan arretan,  
umeak lapurtu ta  
zuloan biyak jan:  
bañan ala zirala  
gau batez arrautz bi,  
zitzaizkan tarte artan

lertu umeari;  
eta alaz ta ere  
lertubak arturik,  
lasterka ziran biyak  
zulora joan andik.  
Arrautzaren jabeak  
lenaz nabaitutzen  
zularik, zitzazkala  
arrautzak paltatzen,  
ta ezin zuelarik  
achitu lapurra,  
zikin billaturikan  
goiz arretan lurra,  
eta segiturikan  
an zeuden marketan,  
topatu zuben zulo  
pistiya bertan;  
eta jarririk lazo  
bat segiruban an,  
eroriyak izandu  
ziraren lazoan.

. . . . .  
Jarroagatik duna  
izkuntzak esaten,  
iturrira maiz baldin  
bada eramaten,  
autsi egiten dala,  
eta da egia,  
gaizki dabillenenentzat  
espillu garbiya.

RAMON ARTOLA.

